

ODLUKU**O RASPOREDU BUDŽETSKIH SREDSTAVA
BORAČKIM ORGANIZACIJAMA SA PODRUČJA
OPĆINE STARI GRAD SARAJEVO**

Član 1.

Ovom odlukom vrši se raspored sredstava utvrđenih Budžetom Općine Stari Grad Sarajevo, za 2005. godinu, boračkim organizacijama sa područja općine Stari Grad Sarajevo.

Član 2.

Boračkim organizacijama, za redovnu djelatnost, sredstva u iznosu od 225.000,00 KM raspoređuju se kako slijedi:

r/b	Naziv organizacije-udruženja	Iznos u KM	Napomena
1.	Udruženje RVI Stari Grad Sarajevo	44.500,00 KM	
2.	Organizacija porodica šehida i poginulih boraca Stari Grad Sarajevo	43.500,00 KM	
3.	UG Zelene beretke	33.500,00 KM	
4.	JOB BiH - Unija veterana Stari Grad	51.500,00 KM	
5.	UG "II Brdska brigada"	14.500,00 KM	
6.	UG Demobilisanih boraca 92-95	14.500,00 KM	
7.	UG Dobitnika najvećih ratnih priznanja	9.500,00 KM	
8.	UG Patriotska liga	9.500,00 KM	
9.	SUBNOR Stari Grad Sarajevo	4.000,00 KM	
UKUPNO:		225.000,00 KM	

Član 3.

Boračkim preduzećima po konkursu za realizaciju privrednih projekata, sredstva u iznosu od 130.000,00 KM raspoređuju se kako slijedi:

r/b	Naziv preduzeća	Iznos u KM	Projekt
1.	JOB Invest d.o.o.	80.000,00 KM	Projekt radionice i motel
2.	UB Zelene beretke	30.000,00 KM	Projekt zaštitarske firme
3.	UB RVI	20.000,00 KM	Projekt turističke agencije
UKUPNO:		130.000,00 KM	

Član 4.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-295/05
25. aprila 2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 9. i 29. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00) i člana 10. i 25. Statuta Općine Stari Grad Sarajevo ("Službene novine Kantona Sarajevo", broj 10/98,17/99 i 21/04), Općinsko vijeće Stari Grad Sarajevo, na sjednici održanoj 19. aprila 2005. godine, donijelo je

ODLUKU**O VISINI JEDNOKRATNE NOVČANE POMOĆI
NEZAPOSLENIM DEMOBILISANIM BORCIMA KOJA
SE FINANSIRA IZ BUDŽETA OPĆINE STARI GRAD
SARAJEVO ZA 2005. GODINU**

Član 1.

Na osnovu člana 4. Odluke o jednodratnoj novčanoj pomoći demobilisanim borcima koja se finansira iz Budžeta Općine Stari Grad Sarajevo ("Službene novine Kantona Sarajevo", br. 6/02 i 6/04) utvrđuje se jednodratna novčana pomoć nezaposlenim demobilisanim borcima za 2005. godinu, u visini od 120,00 KM.

Član 2.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-263/05
2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 9. i 29. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00) i člana 10. i 25. Statuta Općine Stari Grad Sarajevo ("Službene novine Kantona Sarajevo", broj 10/98,17/99 i 21/04), Općinsko vijeće Stari Grad Sarajevo, na sjednici održanoj 19. aprila 2005. godine, donijelo je

ODLUKU**O DODJELI JEDNOKRATNE NOVČANE POMOĆI
RATNIM VOJNIM INVALIDIMA IX I X GRUPE**

Član 1.

Odlukom o jednodratnoj novčanoj pomoći ratnim vojnim invalidima IX i X grupe, koji se finansiraju iz Budžeta Općine Stari Grad Sarajevo (u daljnjem tekstu: Odluka), utvrđuje se jednodratna novčana pomoć ratnim vojnim invalidima IX i X grupe koji imaju prebivalište-boravište na području općine Stari Grad Sarajevo.

Član 2.

Ovom Odlukom se utvrđuju uslovi i način ostvarivanja jednodratne novčane pomoći ratnim vojnim invalidima IX i X grupe, te druga pitanja od značaja za ostvarivanje jednodratne novčane pomoći koja se finansira sredstvima iz Budžeta Općine.

Član 3.

Jednodratnu novčanu pomoć pod uslovima i na način utvrđen ovom Odlukom mogu ostvariti ratni vojni invalidi IX i X grupe, odnosno sa 30% i 20% invaliditetom, a prednost pri dodjeli, odnosno isplati, imaju nezaposleni ratni vojni invalidi.

Ratni vojni invalidi pomenutih grupa koji su vlasnici radnji ili preduzeća, bilo koje djelatnosti, ne mogu koristiti ovu vrstu pomoći.

Član 4.

Jednodratna novčana pomoć koju mogu ostvariti korisnici iz člana 3. ove Odluke je u iznosu od 200,00 KM (dvijestotine maraka).

Član 5.

Jednodratna novčana pomoć utvrđena ovom Odlukom ostvaruje se na osnovu zahtjeva koji sadrži dokaze o ispunjavanju uslova iz člana 3. ove Odluke.

Član 6.

Zahtjev za jednodratnu novčanu pomoć podnosi se putem općinske Službe za boračka pitanja, zdravstvo i socijalnu zaštitu.

Uz zahtjev je potrebno priložiti:

- Uvjerenje Zavoda za zapošljavanje Stari Grad da je nezaposlen;
- Uvjerenje Kantonalne poreske uprave da nema radnje odnosno preduzeća u vlasništvu.

Član 7.

Zahtjeve za dodjelu jednodratne novčane pomoći razmatra i rješava Komisija Službe za boračka pitanja, zdravstvo i socijalnu zaštitu koju imenuje načelnik Općine.

Član 8.

Općinska Služba za boračka pitanja, zdravstvo i socijalnu zaštitu vodit će knjigovodstvenu evidenciju isplaćenih novčanih pomoći iz ove Odluke.

Član 9.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-49-262/05
2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), a u vezi sa članom 3. stav 1., tačka d) i članom 10. Zakona o finansiranju političkih partija ("Službeni glasnik BiH", broj 22/00), Općinsko vijeće Stari Grad Sarajevo, na sjednici održanoj 19. aprila 2005. godine, donijelo je

ODLUKU**O NAČINU RASPODJELE SREDSTAVA
NAMIJENJENIH ZA RAD POLITIČKIH STRANAKA**

Član 1.

Ovom Odlukom uređuje se način raspodjele sredstava predviđenih u Budžetu Općine Stari Grad Sarajevo za finansiranje rada političkih stranaka koje imaju vijećnike u Općinskom vijeću.

Član 2.

Budžetom predviđena sredstva za finansiranje rada političkih stranaka raspoređuju se na:

- 30% sredstava na jednake dijelove svakoj političkoj stranci koja ima vijećnike u Općinskom vijeću;
- 70% sredstava srazmjernom broju vijećničkih mjesta koje svaka politička stranka ima u Općinskom vijeću.

Član 3.

Samostalni vijećnik ima pravo da direktno učestvuje u raspodjeli sredstava iz člana 2. alineja 2. ove Odluke i obavezan je da ta sredstva koristi za obavljanje vijećničke dužnosti.

Član 4.

Samostalni vijećnici su dužni podnijeti Općinskom vijeću godišnji izvještaj o načinu utroška raspodijeljenih sredstava, dok političke stranke izvještaj podnose Izornoj komisiji BiH, a u skladu sa odredbama Izbornog zakona BiH.

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se od 1. januara 2005. godine.

Broj 02-49-271/05
aprila 2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 29. Zakona o lokalnoj samoupravi prečišćeni tekst ("Službene novine Kantona Sarajevo", broj 22/00), člana 25 stav 2. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04) i člana 2. i 7. Zakona o budžetima-proračunima u FBiH ("Službene novine Federacije BiH", broj 20/98), Općinsko vijeće Stari Grad Sarajevo, na sjednici održanoj 19. aprila 2005. godine, donijelo je

ODLUKU**O VISINI NAKNADE ZA RAD PREDSDJEDNICIMA I
ČLANOVIMA SAVJETA MJESNIH ZAJEDNICA**

Član 1.

Ovom Odlukom utvrđuje se naknada za rad u savjetima mjesnih zajednica - predsjednicima i članovima savjeta mjesnih zajednica, a u skladu sa kriterijima o rezultatima njihove aktivnosti.

Član 2.

Kriterije iz člana 1. ove Odluke utvrdit će posebnim zaključkom općinski načelnik na prijedlog rukovodioca Službe za opću upravu, uz prethodno izjašnjenje Općinskog vijeća.

Član 3.

Po utvrđenim kriterijima, a na osnovu prijedloga rukovodioca Službe za opću upravu koja daje analizu rada savjeta mjesnih zajednica općinskom načelniku, predsjednicima savjeta mjesnih zajednica, utvrdit će se pravo na naknadu u iznosu od 70,00 KM tromjesečno, a članovima savjeta mjesnih zajednica u iznosu od 50,00 KM tromjesečno, s tim da pravo na naknadu neće ostvariti predsjednici i članovi savjeta mjesnih zajednica koji ne budu ispunjavali uslove iz kriterija član 2. ove Odluke.

Član 4.

Sredstva za naknade po ovoj Odluci obezbjeđuju se u budžetu Općine Stari Grad Sarajevo.

Član 5.

Ova Odluka stupa na snagu danom objavljivanja u "Službenim novinama Kantona Sarajevo", a primjenjivat će se od 1. januara 2005. godine.

Broj 02-49-268/05
19. aprila 2005. godine
Sarajevo

Predsjedavajući
Općinskog vijeća
Stari Grad Sarajevo
dr.sc. **Rizah Avdić**, s. r.

Na osnovu člana 10. 11. i 27. Zakona o privremenom korišćenju javnih površina na području Kantona Sarajevo ("Službene novine Kantona Sarajevo", broj 20/04) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 25. aprila 2005. godine, donijelo je

ODLUKU**O PRIVREMENOM KORIŠĆENJU JAVNIH POVRŠINA**

I. OPĆE ODREDBE

Član 1.

Ovom Odlukom utvrđuju se posebni uslovi i kriteriji za dodjelu lokacija za privremeno korišćenje javnih površina za postavljanje kioska, slobodnostojećih otvorenih bašči, slobodnostojećih reklamnih panoa i slobodnostojećih displeja, visina naknade za privremeno korišćenje javnih površina, način naplate i mjere za sigurnu i efikasnu naplatu i druga pitanja od značaja za privremeno korišćenje javnih površina na području općine Stari Grad Sarajevo (u daljnjem tekstu: Općina).

Član 2.

Javnom površinom smatraju se površine iz člana 3. Zakona o privremenom korišćenju javnih površina na području Kantona Sarajevo (u daljnjem tekstu: Zakon), a mogu se koristiti za namjene utvrđene članom 2. Zakona.